

傷寒尋源下集

錢唐呂震名棧村著

桂枝湯

桂枝三兩
去皮

芍藥三兩

甘草二兩
炙

生薑三兩
切

大棗十二
枚

擘

右五味。㕮咀。以水七升。微火煮取三升。去滓。適寒溫。服一升。

服已。須臾啜熱稀粥一升餘。以助藥力。溫覆令一時許。遍身

漰漰微似有汗者。益佳。不可令大汗如水流漓。病必不除。若一

服汗出。病瘥。停後服。不必盡劑。若不汗。重服。依前法。又不汗。

小促役。其間半日許。令三服盡。若病重者。一日一夜服。周時

傷寒尋源下集

目錄

桂枝湯

桂枝加桂湯

桂枝加附子湯

桂枝新加湯

芍藥甘草附子湯

桂枝甘草湯

苓桂甘棗湯

桂枝去桂加苓朮湯

桂枝人參湯

葛根黃連黃芩湯

桂枝去芍藥湯

桂枝去芍藥加附子湯

桂枝加厚朴杏仁湯

桂枝加芍藥湯

桂枝加大黃湯

桂枝救逆湯

桂枝甘草龍骨牡蠣湯

桂枝麻黃各半湯

桂枝二麻黃一湯

桂枝二越婢一湯

桂枝加葛根湯

麻黃湯

麻杏甘石湯

大青龍湯

小青龍湯

真武湯

麻黃附子細辛湯

麻黃附子甘草湯

葛根湯

葛根加半夏湯

白虎湯

白虎加人參湯

小柴胡湯

大柴胡湯

柴胡加芒硝湯

柴胡加桂枝湯

柴胡桂枝乾薑湯

柴胡加龍骨牡蠣湯

小建中湯

梔子豉湯

梔子甘草豉湯

梔子生薑豉湯

梔子乾薑湯

梔子厚朴湯

梔實梔子豉湯

梔子蘗皮湯

瓜蒂散

五苓散

猪苓湯

文蛤散

茯苓桂枝白朮甘草湯

茯苓甘草湯

小承氣湯

大承氣湯

調胃承氣湯

桃核承氣湯

修
抵當湯

抵當丸

十棗湯

大陷胸湯

大陷胸丸

小陷胸丸

白散

麻仁丸

蜜煎導法

猪胆導法

生薑瀉心湯

甘草瀉心湯

半夏瀉心湯

大黃黃連瀉心湯

附子瀉心湯

黃連湯

黃芩湯

黃芩加半夏生薑湯

乾薑黃連黃芩人參湯

旋覆代赭石湯



南京中醫藥大學圖書館版權所有

朴薑草夏參湯

理中丸 并湯

桂枝附子湯

桂附去桂加白朮湯

四逆湯

四逆加人參湯

通脈四逆湯

通脈四逆加豬胆汁湯

乾薑附子湯

白通湯

白通加豬胆汁湯

茯苓四逆湯

四逆散

當歸四逆湯

當歸四逆加吳萸生薑湯

附子湯

甘草附子湯

石脂餘糧湯

炙甘草湯

甘草乾薑湯

芍藥甘草湯

茵陳蒿湯

吳茱萸湯

桃花湯

豬膚湯

桔梗湯

烏梅丸

竹葉石膏湯

燒裨散

麻黃連軛赤小豆湯

麻黃升麻湯

黃連阿膠湯

半夏散并湯

甘草湯

苦酒湯

白頭翁湯

牡蠣澤瀉散



南京中医药大学图书馆版权所有

傷寒尋源下集

錢唐呂震名棧村著

桂枝湯

桂枝 三兩
去皮

芍藥 三兩

甘草 二兩
炙

生薑 三兩
切

大棗 十二

擘

右五味。㕮咀。以水七升。微火煮取三升。去滓。適寒溫。服一升。

服已。須臾啜熱稀粥一升餘。以助藥力。溫覆令一時許。遍身

漰漰微似有汗者。益佳。不可令大汗如水流漓。病必不除。若一

服汗出。病瘥。停後服。不必盡劑。若不汗。重服。依前法。又不汗。

小促役。其間半日許。令三服盡。若病重者。一日一夜服。周時

觀之服一劑盡病症猶在者更作服若汗不出者乃服二三劑禁生冷粘滑肉麪五辛酒酪臭惡等物

此太陽中風主治之方也。經云太陽中風陽浮而陰弱。陽浮者熱自發。陰弱者汗自出。嗇嗇惡寒。淅淅惡風。翕翕發熱。鼻鳴乾嘔者。桂枝湯主之。衛強故陽脈浮。營弱故陰脈弱。衛本行脈外。又得風邪相助。則其氣愈外浮。陽主氣。風爲陽邪。陽盛則氣易蒸。故陽浮者熱自發也。營本行脈內。更與衛氣不諧。則其氣愈內弱。陰主血。汗爲血液。陰弱則液易泄。故陰弱者汗自出也。嗇嗇惡寒。內氣虛也。淅淅惡風。外體疎也。惡寒未有不惡風。惡風未有不惡寒。二者相因。所以經文互言之。翕翕發熱。乃就皮毛

上形容鼻鳴陽邪壅也乾嘔陽氣逆也太陽中風之病狀如此
諦寔此證宜用此方凡欲用仲景方先須辯證也

愚按本方主以桂枝者以桂枝能入營而作汗非徒取其能驅
風也輔以芍藥者以芍藥能和營而息風非徒取其能止汗也
桂枝得芍藥於發汗之中仍寓斂液之義芍藥得桂枝於益血
之內仍收化氣之功而桂枝又藉生薑之力攘之於外以導風
邪之出路芍藥又得甘草大棗之力安之於內以斷風邪之入
路凡讀仲景方宜深求制方之義

再按仲景於桂枝湯一方獨自註云桂枝本爲解肌解肌者乃
解肌表之邪不使擾動營血以是示微發汗於不發汗之中也

而要之桂枝本入營作汗之品。賴有芍藥以收斂汗之功。今人誤謂桂枝一味能固衛而斂汗。失之遠矣。觀其服法云。服已須臾。歠熱稀粥一升。以助藥力。溫覆令一時許。遍身絜絜微似有汗者。益佳。不可令如水流漓。此段斡旋之法。具有精義。歠熱稀粥者。欲藉穀氣以助營血而資其汗。若如水流漓。則營弱者益不能勝。故曰病必不除此中用法之妙。全在營衛強弱上討消息。處桂枝湯方者。先須參透此一關。

再按經文云。太陽病。頭痛發熱。汗出惡風者。桂枝湯主之。此與前條太陽中風陽浮陰弱一段大同小異。何所取而重疊其文耶。殊不知彼條言太陽中風。乃昭揭中風之病狀而示之以主

方。此條渾言太陽病。則如所云頭項強痛惡寒。乃中風傷寒公
共之太陽病。卽如本條之頭痛發熱惡風。亦太陽中風傷寒之
公共證。更何所辨。而知其孰宜麻黃。孰宜桂枝耶。其關鍵全以
汗出爲辨。汗出便是桂枝的對之證。若汗不出而發熱。脈浮緊
者。是麻黃湯證。誤用桂枝之辛熱。而益以芍藥之酸收。則寒邪
凝結。漫無出路。變證蠡起。卽顯犯桂枝之大禁矣。此仲景教人
辨證之法也。

桂枝湯有禁用三法。用桂枝者。不可不知。其一曰。桂枝本爲解
肌。若其人脈浮緊發熱。汗不出者。不可與也。夫脈浮緊發熱。汗
不出。是寒傷營之脈證。宜麻黃湯主治。脈浮緩發熱。汗自出。是

風傷衛之脈證。宜桂枝湯主治。今見寒傷營之脈證。卽不得主用風傷衛之治法。以其同見頭項強痛惡寒之太陽病。同見浮脈。最易牽混。故重言之曰。常須識此。勿令誤也。不此之察。而誤用之。其人營氣本實。邪無出路。不能外泄。勢必上湧。又得辛熱酸斂之性。怫鬱其營中之血。不至吐膿血不止。故曰。凡服桂枝湯吐者。其後必吐膿血也。至若酒客病。不可與桂枝。得湯則嘔。仲景卽自註云。以酒客不喜甘故也。諸家皆以酒客胃中濕熱素盛。故得之便滿逆而嘔。則由此而類推之。凡感外邪而中挾溫熱者。其不可亂用桂枝也。審矣。予每見今人誤認桂枝湯爲斂汗之藥。凡遇濕溫風熱等證。見其汗出熱不解。竟敢恣用桂

枝而無忌。此又仲景當日意料之所不及。用之貽誤。不自咎其
辨證之不清。反謂古方之難用。而鑒此者。轉引叔和桂枝下咽。
陽盛則斃之說。實其言以相戒。其亦勿思之甚也矣。
桂枝之禁例。既明。則凡見頭項強痛惡寒之太陽病。而汗出脈
浮緩者。主以桂枝之解肌。而無疑矣。解肌者。乃解其肌表之邪。
而仍欲使之微似有汗也。故經中又指桂枝曰發汗。欲發汗而
仍不欲大發其汗。故又曰和。和則發汗之機。必不迅。故他方皆
刻期取效。而桂枝服後。病證仍在。仍宜作服。觀其服法云。若一
服汗出。病瘥。停後服。不必盡劑。若不汗。重服。依前法。又不汗。後
服小促。役其間。半日許。令三服盡。若病重者。一日一夜服。周時

觀之服一劑盡病證仍在更作服若汗不出乃至二三劑以是爲調和營衛解肌發汗一定不易之法但須辨證明晰用當其病卽未遽效仍堪復進以視麻黃湯之大發其汗固有間也再太陽病以風傷衛寒傷營二證分主桂枝麻黃二法其說始於許學士而前明方中行及國朝如喻嘉言程郊倩輩皆仍其說唯柯韻伯謂桂枝湯一方凡頭痛發熱惡風惡寒其脈浮弱汗自出者不拘何經不論中風傷寒雜病咸得用此發汗若妄汗妄下而表不解者仍當用此解肌推柯氏之意蓋以仲景於桂枝湯散見於他經而用之者亦多故主論若此而予就經文細繹之如經所云傷寒發汗解半日許復煩脈浮數者可更

發汗宜桂枝湯一條。柯氏殆據此以爲傷寒亦宜桂枝之證。而不知經文明言傷寒發汗解。其用麻黃發汗可知矣。半日許復煩。脈轉浮數。則因發汗之後。在外之風邪易襲。而在內之營氣已傷。煩因心擾。數屬陰虛。奚堪復任麻黃。其改用桂枝者。非太陽傷寒之宜桂枝。乃發汗後復煩。脈浮數之的宜桂枝也。至陽明病之亦有用桂枝者。若經云陽明病。脈遲。汗出多。微惡寒者。表未解。可發汗。宜桂枝湯是也。按陽明本自多汗。但不惡寒而惡熱。今微惡寒。則太陽之表證未罷。亟當從太陽領出其邪。此又非陽明病之宜桂枝。乃太陽表未解之的宜桂枝也。且其下文又云陽明病。脈浮無汗而喘者。發汗則愈。宜麻黃湯。合此二

條觀之。要知邪自太陽初入陽明。須察其邪自太陽中風而來。而中風證未罷。仍當從中風主治之法。邪自太陽傷寒而來。而傷寒證未罷。仍當從傷寒主治之法。益見桂枝麻黃分主中風傷寒二證。爲天然不易之定法矣。至三陰經本無發汗之例。雖太陰病有脈浮可發汗之條。亦非太陰病宜用桂枝。亦以脈浮自當發汗。而本方芍藥生薑大棗。亦得資以奠安太陰。若謂妄汗妄下之後。而表未解者。亦宜用此解肌。試思何謂妄汗。正謂桂枝證誤用麻黃。麻黃證誤用桂枝耳。且發汗後不可再用桂枝湯。下後不可再用桂枝湯。仲景設有明禁。其誤下後間有宜桂枝者。亦須察其脈浮。其氣上衝者。方可與之。若不爾者。不可